



Knattspyrnudeild ÍBV

Magnús Sigurðsson, formaður

Óskar Snær Vignisson, framkvæmdastjóri

Reykjavík, 23. ágúst 2024

Úrskurður: Skýrsla eftirlitsmanns á leik Fjölnis og ÍBV þann 9. ágúst 2024

Á fundi aga- og úrskurðarnefndar KSÍ þann 20. ágúst, var tekin fyrir skýrsla eftirlitsmanns á leik Fjölnis og ÍBV í Lengjudeild karla þann 9. ágúst sl. Í samræmi við ákvæði 6.1. í reglugerð KSÍ um aga- og úrskurðarmál úrskurðar nefndin m.a. um þau atriði, sem fram koma í skýrslu eftirlitsmanns KSÍ í leikjum í Íslandsmóti KSÍ. Skýrsla eftirlitsmanns í leiknum er svohljóðandi:

„Strax eftir að lokaflaut dómara gall þá kveiktu nokkrir stuðningsmenn ÍBV á blysum eins og sést á myndum á [fotbolti.net](#) sem einnig verða senda mótastjóra ásamt myndum sem EM tók.“

Á fundi aga- og úrskurðarnefndar þann 13. ágúst sl. leit aga- og úrskurðarnefnd svo á að þau atvik sem lýst er í tilvitnaðri skýrslu eftirlitsmanns, gætu varðað við 13. grein reglugerðar KSÍ um aga- og úrskurðarmál og grein 4.2. í reglugerð KSÍ um knattspyrnumót, sbr. einnig grein 5.10. laga KSÍ. Taldi nefndin því brýnt að falast eftir greinargerð/athugasemdum frá viðkomandi aðildarfélagi áður en málið yrði tekið fyrir.

Á fundi nefndarinnar þann 20. ágúst 2024 lá ekki fyrir greinargerð frá Knattspyrnudeild ÍBV.

Niðurstaða:

Í samræmi við grein 4.2. í reglugerð KSÍ um knattspyrnumót, sbr. einnig grein 5.10 laga KSÍ, skal sérhvert aðildarfélag bera ábyrgð á framkomu leikmanna, forráðamanna, félagsmanna og stuðningsmanna sinna og allra þeirra sem hafa hlutverki að gegna á vegum þess vegna ámælisverðrar eða óásættanlegrar framkomu þessara aðila innan vébanda KSÍ, og getur sætt viðurlögum sem nánar er kveðið á um í lögum þessum og reglugerðum KSÍ. Ber sérhvert aðildarfélag þannig hlutlæga ábyrgð á framkomu m.a. stuðningsmanna sinna og getur hlotið viðurlög í samræmi við reglugerð KSÍ um aga- og úrskurðarmál og/eða lög KSÍ.

Að teknu tilliti til fyrirliggjandi gagna er það álit aga- og úrskurðarnefndar að framkoma áhorfenda ÍBV, er kveikt var á blysum í áhorfendastúku, hafi verið vítaverð. Samkvæmt því fellur framkoma áhorfenda ÍBV undir grein 13.9.d) reglugerðar KSÍ um aga- og úrskurðarmál. Ákvæðið er svohljóðandi:

„Ef forystumaður aðildarfélags, sem ekki er á leikskýrslu eða áhorfandi qerast sekir um vítaverða eða hættulega framkomu gagnvart leikmönnum, dómurum, þjálfurum eða öðrum er heimilt að sekta viðkomandi aðildarfélag um allt að kr. 200.000. Ef brot telst alvarlegt eða um ítrekun er að ræða er auk þess heimilt að setja viðkomandi lið í heimaleikjabann, þar til öryggi leikmanna, þjálfara og annarra telst tryggt.“

Með vísan til framangreinds ákvað aga- og úrskurðarnefnd KSÍ að sekta knattspyrnudeild ÍBV vegna framkomu áhorfenda eftir leik liðsins við Fjölni í Lengjudeild karla. Þykir upphæð sektar knattspyrnudeildar ÍBV hæfilega ákveðin kr. 50.000,-.

Úrskurðarorð:

Knattspyrnudeild ÍBV skal sæta sekt samanlagt að upphæð kr. 50.000,- til KSÍ.

Virðingarfyllt,
f.h. Aga- og úrskurðarnefndar KSÍ,

Haukur Hinriksson